

續修四庫全書

《續修四庫全書》編纂委員會編

續修四庫全書

上海古籍出版社

一五七〇・集部・別集類

石蓮閣詩六卷石蓮閣詞一卷石蓮菴樂府一卷 吳重憲撰……………一

晦明軒稿不分卷 楊守敬撰……………七五

虛受堂詩存十六卷 王先謙撰……………一二三

虛受堂文集十六卷 王先謙撰……………二六三

羅浮侍鶴山人詩草二卷外集一卷 鄭官應撰……………五四三

缶廬詩四卷別存三卷 吳昌碩撰……………六三五

石蓮閣詩

丙辰仲冬開板

石蓮幼多病十齡前恒經冬不出戶不知所謂學不知所謂詩也後隨先人任而粵而豫而燕而黔而秦七年歲月半銷磨於船舂馬足之間不知所謂學不知所謂詩也咸豐甲寅歸里未一載迭抱風木之傷讀禮家居更不知所謂詩也已未服闋年二十二見同人爲詩私好之始提筆效之追一行作吏見有以性耽詞翰被劾者且以戒詩爲宗旨故卒以無所成就昔彭瞻庭先生言士子束髮受經以達通籍帖括在前簿書在後雖雅意汲古之儒罕能卒業況詩學廣大尤非敢輕言第人各有心心各有聲古來忠臣孝子勞人思婦各聲其心之聲固不豫存一體格與

石蓮閣詩自序

宗派心也惟念古今之存詩者如恒河沙數大率隨世變而淘汰無存唐李琪有詩八百篇傳誦於時盧殷能詩可傳錄者在紙凡千餘篇裴迪與王維賦輞川詩載於維集此外更無存者唐藝文志別集數百家無其書其姓名亦不見於他人文集中元宗簡著格詩一百八十五律詩五百九今世知其名者寡矣詩之不能幸存固易知也顧鳥鳴於春蟲鳴於秋有不知其然而莫能自已者宋釋德洪謂譬如候蟲鳴鳥自鳴自已誰復收錄王滹南則譬樂天如柳陰春鶯東野如草根秋蟲明侯一元謂如春蟲秋蚓宣寫和氣自得而止俞實谷謂蟲之薨薨鳥之嚶嚶機動

續鳴豈得已而不已哀中道又謂存其緒言以當雁之一
喉吾郡杜文端亦謂翳葉之蟬伏寶之蚓值夫清風朝颯
明月宵臨則不禁自鳴凡皆出於自然不事勉強者也又
云君子讀書論世尙友古人卽學爲詩文亦自適性天無
限樂事終不成爲仕宦功名一齊耽擱舍其所自有而用
心於不可知亦爲不善擇矣予生薄祜早年失學帖括在
前簿書在後二語遂束縛一生今景迫崦嵫來日無多卒
使讀書論世尙友古人者無一成就徒歎爾破蛾飛丸成
蟬蛻能無歎焉邵青門云余素引和凝事宋以前詩文無
自鏤板者老境侵尋所存止此聽其零落未免傷神雖敝
帚吾有之吾自享之聊用自娛亦情所難已也乃自錄其
詩略存梗概范東生洵所謂盡刊甘醴肥厚獻酬傭僱之
作者媿無能爲役焉則又自慙無地者矣宣統二年庚戌
石蓮自敘

石蓮閣詩自序

二

石蓮閣詩總目

卷一 己未以後詩 未仕時作

卷二 丁卯以後詩上 官京秩時作

卷三 丁卯以後詩下

卷四 庚辰以後詩上 簡外任時作

卷五 庚辰以後詩下

卷六 癸卯以後詩 京外迭任時作

卷七 庚戌以後詩 罷官後旅京時作 閏出

卷八 辛亥以後詩上 旅津時作

卷九 辛亥以後詩中

石蓮閣詩總目

二

卷十 辛亥以後詩下

石蓮閣詩卷一 已未以後詩

海豐吳重熹仲懌

雜感四首

上山採靡蕪棘刺傷人衣涉江採芙蓉刺傷人肌傷人非物心擇地自非宜出門望大道大道無偏陂朱旃驄馬驢薄韋疲牛驅遲速縱異候不致駭北馳菱棘夫何怨自蹈險與巖幽蘭復幽蘭何時逢採拔

捧土塞孟津街石填東海其愚不自量其誠乃不悔聖賢重省過鼓勇若將浼莫謂溜已湮要使白可采圭玷任磨礧陵谷有更改回頭放屠刀從此謝烹宰

石蓮閣詩卷一

西鄰有貞婦刀尺聲琅琅三更尙未息五更起傍徨朝成繡袂褰暮成薄羅裳乃以刺繡功猶親燈燭光而我七尺軀歲月空堂堂白日淹以沒青雲渺難望斯邁與斯征羞誦鳴鳩章瞻彼眷令原涕淚落成行

學如逆坂丸少縱則已逝又如上水舟非進則已退攻苦如攻堅所貴鼓以氣路又歧逕庭流乃分涇渭抉擇一不精馳且與道背眩奇及務博本末殊曖昧譬若遊名山視垤而惡岱豈知日用理天地爲充塞不知盡其常何異瞠犬吠

送張錫男谷隨侍長安

三百二十八

草草理征鞍高歌行路難此行千里別秋色滿長安關壓河聲壯雲開華影寒賞音從此去古調爲誰彈

莫灑臨歧淚吟鞭指向西離愁消酩酊別夢繞輪蹄風葉離亭晚雲山落照低行人留不得把袂意悽悽

執手言難盡諄諄屬莫違辛勤惜弱弟珍重護重闈野店雞聲冷長空雁影稀歸來應有夢漫掩驛亭扉

昔時文酒會惟恐動離愁方謂常相聚何期遽遠遊共看千里月滿載一囊秋水添詩興新吟早付郵

秋菊爭持蟹春燈聽賣蛭再逢佳會日應動故鄉情黃葉殘唐塔桃花古漢城舊遊重過此鴻爪尙縱橫

石蓮閣詩卷一

灞水當年岸東風唱大刀綠楊千萬樹吹絮上征袍節序三秋換流光六載涓前途重過此攀折漫爲勞

與庾生姪城樓望雪

北風凜冽霜林枯昨宵朔雪封蘊廬峭寒透被不成睡攀帷起看光穿樞端宜打槳掉小艇衝寒訪友山陰途又宜負囊著簑笠灞橋閒跨尋詩驢門前剝啄有人至奚奴告我纔行沽引杯澆起出遊興邀我同上城南隅冰堅路窄屐齒滑欹斜還借筇枝扶乘墮縱目果奇絕笑餘拍掌齊高呼天地無聲浩一色宛合宇宙成冰壺四圍雲樹忽出沒茫茫難辨村與墟炊煙幾縷亘遠舍酒旗半捲臨荒蘆

四百零九

生花起粟顧何暇苦吟對聳山肩癯憶昔辛亥過鳳嶺
巖正值瓊瑤鋪屑巒疊嶂失青翠萬峰無際銀模糊曾於
絕頂作小憩盡收妙景歸籃輿自來鄉里已九載此眼久
與青山疏每於枕上聞竹折寂寞往往往園紅鍾今晨幸遇
興非淺願持禁體追髯蘇但祝十日不開舞重來觴詠無
時虛命僮縛帚且掃徑珍藏留待烹茶需

西橋訪雨賦九言體

炎威燥燥避暑無林泉解衣卧榻欲眠不得眠海濱匝月
祈禱苦無雨安得急溜噴薄檐端懸遙憶西橋千樹萬樹
柳春時曾見點點飛輕縣天瓢偏許借我一傾瀉潤青溼

古蓮閣詩卷一

三

翠入望凝秋煙相與載酒憩息林樾下清風習習定許生
淪漣句旬忽聞雷聲走天末義輪無力漸看濃陰連精神
頓爽急呼疲蹇至披蓑荷笠一路揮吟鞭襟袖淋漓溼透
不暇顧但見青條出沐紅欄邊長虹卧波溟濛飛野鷺濃
陰貼樹搖曳嘶鳴蟬水面惺忪亂跳圓暈破枝頭點滴時
有涼風穿塵疴一經洗滌盡忘却不覺四圍暮色來蒼然
須臾阿香停車風伯止但餘雲霞萬色呈新妍金泥銀燭
奇詭不可狀花者玳瑁紅者胭脂鮮魚鱗千疊變幻忽破
碎蔚藍一角劃出斜陽天歸路不愁泥深恐沒肝放將半
鉤新月明娟娟

爲管墨寶題張芷衫畫梨花

兩三點雨未全打廿四番風莫嬾吹蜨影蜂聲不得到半
丸黃月欲平時
多少芳蕤杏後開夢同花底一徘徊前宵醉倒青旗路飽
看春雲滿眼來

車中

難避曦輪煜煜光長途盼斷柳陰涼天公知憫行人苦盡
借山雲作蓋張

題張菊如臨馬雲上劍關秋色

關道侵雲勢與平巒叢人作馭風行耳邊恍聽鈴聲咽十

古蓮閣詩卷一

四

二年前舊旅情

樓雲隴樹接西秦驢背斜陽憶此身今日披圖重回首當
年曾是畫中人

暮宿彭家道口

暮色合蒼煙西風落照天溪流寒可漱沙路輒宜眠日黑
雲將暝林黃葉不全况經兵燹後村落倍淒然

茅柚村遊遊龍洞

欲踐名區約未遑良朋邀我白雲鄉道從水複山重入寺
在峰迴路轉藏日影鞭絲人並轡石龕燈火夜聯牀應知
此後相思夢常繞龍巖舊草堂

侵曉人閒上早瞰捫蘿附葛快攀援一林黃葉明樵路四
壁丹崖擁寺門飛瀑遠尋泉有脈寒潭倒插石無根洞中
應有潛鱗蟄霖雨猶留點滴痕次日細雨

秋夜聽雨感懷

當時于役遠從征歷盡山程與水程野店燈光添黯淡空
江篷背聽分明鈴霖閣道猿千里齋冷淮南雁一聲此夜
轉生遊子淚十年前事倍關情

讀史空生閱世悲聽殘點點與絲絲氣連鯨海滄波暗月
暝龍沙白草滋南內疏桐飄砌早華清紅葉下山遲何人
此際聞雞起辜負風滿雨晦時

石蓮閣詩卷一

五

雲低風冷雁南還陰近空堂鎖日閒無處移牀嗟破屋有
人窮燭話巴山連江帆影背辭楚滿路槐花曉度關幾箇
疏朋離散盡天涯何處聽潺湲
浙憑窗前木葉森紅閨燒燭伴孤吟乍逢長夜聽逾好如
此秋涼病易深荷蓋喧殘圓沼響蕉聲敲碎曉窗心却愁
一霽添寥落蕭槭霜風起暮林

園花秋閒賸以二詩

玉簪

綠雲委地慵難綰一枝橫插玉香輦天風吹秋墜階冰
心抱露啼痕淺馬嵬昔日埋鈿玉黃土青苔葬寒綠無乃

三百五十一

搔頭結聚成輕盈如出華清冷秦娥午倦朱樓夢九雛響
溜釵頭鳳簪花代我管髮雲濃香滿壓螺鬟重

牽牛

青鸞翠鳳下無迹疎籬一夜秋花碧露葉雲叢絡石闌幽
姿不受朝暾惜天孫昨夜悵銀河汎瀾清淚隨秋波灑向
花間成並蒂離懷其奈雙星何我亦頻年輕賦別花時客
裏傷秋節豈獨天潢限女牛一枝未折腸先結

閒居

閒居本業課桑麻十載家山歲月賒夜冷催來新到雁秋
晴留得晚開花倦拋散帙頻成睡偶汲新泉待試茶漫謂

石蓮閣詩卷一

六

馬頭塵滾滾勝余薄笨御牛車

飢鳥孤燕篇

予少年藐孤連歲復迭遭兄姊之喪幾幾子立觸
景多傷丙寅春重晤墨賓于棣墨賓亦廢詠蓼莪
者感二人境遇之同作飢鳥孤燕篇

樹靜風不停水東波不西戀戀春日暉哀孤露思庭中
有高柯飢鳥巢其枝燕燕爾何孤作此泔水期燕無報乳
日烏無返哺時孤燕對飢鳥涕泗霑漣洏我有親骨肉黃
泉生隔際慈竹霜先寒椿蔭驚崩摧孑然覩藐躬十載兄
是依其歲值已未姊去商山陞誰云是永訣礎冷聲淒淒

三百五十八

昊天猶不弔傷此墳與麕舍殮弗躬親夢寐時見之兩世
兩遺孤門戶焉支持每逢萊衣人有淚不敢揮七年前識
君已廢瞻帖詩三年前送君西去尋庭闈風煙動地來伊
涼飛劫灰詎謂得凶耗血淚凝麻衣昔我與君遇君遇同
我悲今吾與君晤我遇惟君知瞻彼松柏陰下有草離離
松柏一旦枯那免霜雪欺南陔采幽蘭枝葉春蕨蕢及時
念明發馨膳休悔遲不爲集蓼蟲焉知此衷哀區區鮮民
心相對雙淚垂

自西爽歸書所見

不整柴門逐岸開溪光滟澦小樓臺畦邊水鰕棹聲歇樹

右蓮閣詩卷一

七

底風圓笠影來涼入蟬心秋澹宕雲成山勢石胚胎有情
最是垂楊柳日日斜陽送我回

秋夜露坐

夜色洗空庭閒堦露漸冷電光斜射月雲影亂埋星蛩語
催秋至螢流逼樹青茗杯成獨坐與汝訂忘形

將至郡城口占

馬倦知途近無端又客遊西風吹縞袂秋色滿齊州野氣
遙浮郭林梢遠吐樓菱花高一丈黃出短牆頭

由濟南赴泰安途中作

小別明湖計日程征途景物記淒清朝陽山醉扶頭酒秋

水溪吞恨別聲鳧繹數峰皆北向鵲華雙影送南行此遊
爲快平生眼齊魯餘青已漸生

我來恰好話桑麻菜圃瓜田歲事賒豆葉黃於新釀酒柿
圍紅似晚開花野碑按讀文詞斷店壁尋詩墨藩斜莫怨
客窗岑寂甚前途相餉有煙霞

絕峪緊迴路幾彎停驂四面數螺髻村墟瓜蔓茅龍上市
肆花開竹虎間亂石富流成小約疎林留鐘讓秋山未黃
好是青楓葉耐得霜容待我還

驅車山峽馬蹄勞九折聲聞叱馭高一徑溟濛沙作雨兩
輪起伏石如溝當年蜀棧從頭憶來日天門立脚牢安得

右蓮閣詩卷一

八

嶮巖成坦蕩不因行路怨刁騷

登嶗山

征車偶爲看山停三百盤途取次經一殿高撐知漢近萬
松直上與天青秋波十里縈襟帶夕照羣峰拱畫屏俯視
村墟若煙海恍如浮玉立亭亭

山河

一帶山河激玉泉嶗山東去水潺湲僕夫怪我臨流久不
聽灘聲十六年

步遊後石陽

東坡云僕初入廬山山石奇秀平生所
未見殆應接不暇遂發意不欲作詩予
遊泰山亦存不
敢作詩之心

黃華棧險接堯臺日觀登餘眼界開雲影忽從頭上過松
濤直撼脚根來無風空籟生秋氣咽雨溪聲想怒雷清絕
蓮花洞中水寒泉一瓊薦瓊杯

遊靈巖驢背上得句

爲訪名藍古佛祠雞鳴山下路欽寄他年畫稿憑摹出是
我斜陽策蹇時

路轉峰迴境益奇萬松撲翠上鬚眉又將岱麓看山眼來
訪靈巖北海碑

妙公當日闢名場十里松花不斷香無數濃青圍不住孤
標一塔接天長

石蓮閣詩卷一

九

暮抵五峰

晚煙漠漠夜冥冥策蹇來敲闢寺扁月魄恰當山缺落泉
聲祇在樹中聽廢陵草蔓鶻鶻語險磴苔荒草木腥涉盡
崎嶇心尙悸客窗孤枕夢頻醒

石蓮閣詩卷一終

二百一十一

石蓮閣詩卷二丁卯以後詩上

海豐吳重憲仲懌

鹽山道中遇風

蒼莽迷村墟撲簌揚沙埋風在空中鳴車在風中簸轍深
蹄轂緝塵漲衣裳流輶轉雙轅中顛躓鮮安臥况受田夫
給陷我曰左左旅舍抵已晡炊煙寒土銕小年涉江湖兩
月舟中坐颶信掀天來心膽爲摧挫對此計安危愁顏爲
之破乃知天壤閒無境不坎坷但信立脚牢何慮風塵大
昨日錢家門綠酒珍餚佐丹鉛畫壁新紅紫瓶花婿敢耽
手足閒坐視身心惰行矣慎前途勞瘁休辭瘳

石蓮閣詩卷二

一

河隄道中感興

揭來河畔逐輕車隄外晴波一道斜遠岸數帆穿柳色平
疇萬樹繡桃花登樓春思悲王粲落帽秋風感孟嘉脚下
緇塵疊疊雪催人草草是年華

春暮過津門

樓頭鸚鵡喚提壺白舫紅闌小畫圖橋下春波橋上柳行
人三月出丁沽
午潮痕接子潮痕十里連檣到海門細雨斜風隄上路柳
陰壓擔買河豚

國初諸老擅名場沽上題襟字尙香今日風流零落盡更

三百二十七

無人問水西莊

津門新樂府 存二章

水會 最好義也

雅而集猱而升煙燄之內爭先登前者未下後者興竿頭
高揭千紅燈此時填街塞巷惟人聲銅鳥軋軋水噴薄宛
似鞭能扶海若祝融回祿失儵燦遇災不顧身遇財不染
指誰謂市上兒大義明如此嗚呼忠義天地理風俗轉移
在驅使當今西北方用兵何不教之旗槍與弓矢定執干
戈爲君死

薪桂 憫荒也

石蓮閣詩卷二

二

年豐積薪亟乘屋年凶拆屋薪不足村中與來市中行百
錢不得盈一束大車何班班小車何碌碌一日飽暖一家
寒可憐四壁上無覆三椽茅屋已飛灰一席盤殮猶未熟
此時大吏方欲窮餉藪不聞農夫露處吞聲哭况兼雪花
如掌終宵撲村村何異逢回祿我願疆吏心亦化光明燭
至彼屋上茨滅此鼎中餽口腹雖苦閭閻福嗚呼其如日
日須食肉其如日日須食肉

春寒行楊村道中作

桃花將落楊花起東過海門已百里一夜春潮挾雨飛北
風倒捲漕河水須臾沙鷗風益怒黃蘗刮盡恒河數土色

三百四十一

雲容雨不分前程已失河西務十步不見人五步不見轍
昏曉莽不知東西渾莫別寒氣中人如鏃鐵我車北來愁
兀跪壓裝未載敝狐裘詎料春三成栗烈吁嗟乎蜷曲委
縮體不舒僕夫咨嘆愁前途車行偃蹇馬趑趄黃塵撲面
砂粒粗寒暖驟如反覆手天與世態何差殊書生強半常
爲客輪蹄奔走紅塵陌天何不憫行路難約束雨師與風
伯永使行人無困厄

籬內桃花

短籬三尺接茅茨映水朝霞豔一枝想見靚妝人半面春
風無語倚闌時

石蓮閣詩卷二

三

與朱子舟游龍樹院卽懷陳九萬庾生姪

不識興誠寺登樓快此行窗開招絮入梯盡見山橫宿潤
濃黏樹春煙淡覆城憑高莫留戀恐觸故鄉情
葭莢綠成海茶蘼黃上階恰逢陰雨潤好與友朋借客倦
支危石僧閒說古槐前賢留勝跡片石寄詩懷
陶然亭子上昔日哭春風曾俯危欄上遙窺此檻中星霜
人事換歲月客途窮無限前塵感迢迢望海東

端陽後一日與朱子舟陳葆之同游龍泉寺觀壽山

石十六應真像用查初白壽山石歌韻卽送葆之隨

任池州

三百五十八

質休昔畫一十六羅漢生綃水墨神態各不同降及後人
崇廟貌粗者土木精者鎔山銅且增十六爲十八雲龍風
虎意態雄福州壽山產壽石但知取以作印蟠龜龍努目
低眉匠心忽有悟卅六變相幻出神熊熊我聞 純廟入
旬咸祝嘏九夷賓服八蠻通閩疆大吏手自封枋檀之室
丹紗紫輦致來時不及貢供養遂入名藍中入龍駢陳赤
華室阿羅漢直追禪宗蒸栗侔黃點漆黑截肪凝白丹砂
紅壤色之衣善點綴細入神妙秋毫窮我寄僧寮苦逼仄
枯坐一室如樊籠興慶宮前訪元塑劉鑾手技傳羲農又
聞觀音之像出巖變天巧不必雕穹鑒士女頂禮日填咽

石蓮閣詩卷二

四

想見佩玉鳴琤琮得此三奇可鼎足軒輊何必相剽攻緬
想太平日無事梯航遠致昆吾工餘事猶得作符璽山骨
斲斷巖爲空自從十年事戈鹵甌閩吳越連軍烽饑窮用
賑進獻罷物產不入蓬萊宮君家嚴君荷 新命五馬南
去 恩寵充池州九華夙所豔雲中朶朶青芙蓉階前蘭
玉侍游譙萊衣被體猶黃童况復君才足肆應練達何待
加磨礱恨我一身等匏繫未能荷笠擔簦從安得修羅攝
置九華側神力雖大難爲功祝君常保二親樂無極庶與
壽山壽石壽佛同始終

七夕篇時僑寓宣南晉陽僧寺

四百一十一

西風吹梧桐一葉颯然落傳聞此夜中銀河駕靈鵲美人
懷遠道凝妝出蘭閣瓜果羅玉階空庭下金鑰香爲雙星
燕酒勸雙星酌傷茲離別深惜彼歡會薄長安多狹邪高
樓映北郭定有同心人共此傷飄泊不爲牛女悲當爲牛
女樂結此不盡緣千古深情託豈無歡聚場積久生落漠
何如留有餘終古不雕斲風雨遙相望天涯與海角織女
及黃姑歲歲猶嫌數

五月分部假旋出都日作

僧寮僑寓等飄蓬粥鼓鐘魚與夢通剝啄良朋三徑外起
居彌勒一龕中芹泥壘上新來燕桑落河邊獨去鴻出處

石蓮閣詩卷二

五

情原同棄屣祇憐此度太匆匆
燕臺景物最關情宣武坊南雨仁晴綠樹萬家低覆屋青
山一角遠窺城人如落葉飄無跡愁似春潮聽有聲聞說
前途成澤國舊行車處片帆橫

牯牛河行

牯牛堤下波浩浩牯牛堤上無青草三伏不雨一秋霖坐
使洪河成渺瀰堤上行人爲我說今年旱甚禾都槁大府
聞頌赦賦書 九重屢下桑林禱七月七日雨翻盆滂沱
如挽銀潢倒從此淫霖決兩旬蠅生蠹底閭成沼况復新
開永定河擎焚其柰薪柴少遂使鼃鼃逞詭譎居廬汨沒

三百八十三

田原勞我策疲車日下來軌轍蹢躅愁泥濘不辨昔時阡
與陌惟見當前湖共泖輒輒無權舟楫貴軫輾愁大蜻蛉
小囊橐不飽船夫願河干輪輻誰牽掉履蹈方切心憂危
喧呼又苦舌枯燥行路難行路難居人猶道行人好一霎
風帆彼岸飛前途卽是平平道可憐牯牛河下人如魚何
時得見禾生漕

店壁新糊尋舊題不得以一詩寫其惆悵

周禮重墜人壁壞則圯墁必使白受采乃可素爲絢左徒
作天問畫壁聲奇幻漢世重石闕篆隸瑤琳煥旅人客長
途羈愁託柔翰久因成惡習塗雅到傭販香煤及甃鋒牆
隙爲之徧致觸主人怒且遭行客謾削去情非苛玉石遂
莫判譬如斬荆榛蘭蕙隨剗鏟乃知天壤間晦原無券
但讓碧紗籠佳話千秋擅

重九口占

兩年道上作重陽客歲還鄉此去鄉偶上高臺聞嘹唳征
鴻更比路人忙

滄州古城鐵獅

曾聽奔泉說怒猊康居遺範古城西土花清露苔三尺故
址秋風黍一犁宛洛銅駝悲枳棘渥洼金馬起鉦鼙殿前
道將原倉促鑄錯常留作攷稽

唐官屯店中多蚤不能成寐披衣起坐以詩自遣

巨魚吞細魚鷺鳥搏羣鳥弱肉而強食已難測蒼昊至強
莫如人乃供羣弱飽飛既蠓蚋嘍動亦蝨蟹擾就中最跳
梁狡黠莫如蚤迅比猿騰枝捷若魚穿藻或集而剝膚或
伏而噬腦瘦作雞肋惜肥似犧軫好想當其視人亦若甘
蠱薨客來旅舍眠一榻空揮掃臂如庖繮肉大嚼遂忘曉
蜨蜚孽無窮蚤蠶不及掉拔劍蠅當驅作檄蚊將討煎迫
旣已深越境身乃保不早避柏人那免集於蓼

出都日宿張灣

北風吹我又東歸秋雁春鴻願易違惟有張灣舊明月不

分寒暖總依依

月圓曲

月不能無圓缺人不能無離別昨日鳳城雲今宵滄海雪
昨日辭都月未圓今宵歸家月下弦月圓人却在離別人
歸月又非嬋娟願矢精衛誠填成此闕陷年年歲歲月圓
時團圓常照金尊豔

唐官屯夜發

北風陡起沙石驚吹斷曠野無人行月馭搖搖不得落玉
盤愁向西南傾毳裘身絮幕首耳邊猶聽雷聲吼妝閣丁
東簷馬敲不知寒抵長途否

枕上聞大風口占

天馬萬隊凌空煙風鬣雲轡何茫然忽如一夜失羈綽驍騰奔放來人間雷轟電激輪蹄鐵橫空蹴踏層冰裂鼉戴恐令三山翻不周疑觸地維折義阿欹側愁無光一丸大地齊飛揚儻從實外望寰內火珠冰鏡同頽頽鼓角聲從地底作紅燈無力書帷薄布金密裏似眼蠶短躬卷曲如屈蠅吁嗟乎我想東南方用兵孤軍沙石相逢迎何人仗劍從征去聽此增人慷慨情

景龍鐘銘歌

建章宮中天欲曉迎祥觀裏鯨鳴早霜杵敲殘百八聲千

石蓮閣詩卷二

八

載餘音猶裊裊當時玄武門初扣旋貶五王崇五狗中天聖善與西明土木一朝成不朽觀自景龍年築成倉皇未及發詔英桑條韋曲覆前轍相王於此調噲咍辛亥之秋九月役律協景王鑄無射屋上土與釵釧金紀年猶以納音繹小年隨宦趨庭訓梅花嶺下洪都郡曾訪開元乾德鐘南安府有開元二十九年鐘蒲牢繡編苔花暈萍飄十載鐘南昌府有乾德五年鐘到秦關寶室欽揚貞觀年鄭州寶室寺有貞觀二年鐘龍興通元製最古唐儀鳳二年歸州龍興觀鐘開元十年江陰軍通元觀鐘銘皆見王象之輿地碑目與此鼎足孰後先寶宇攸鐫辭駢體圭稜篆籀爲根柢屏翳營鐘欽識精遒躡湯盤近漢洗絕之今在柏臺陬瓊墨揭出鋒鋞邁

四百三十五

亭林濫觴述菴繼金石攷記歸雍州鐘見金石錄金石萃編及雍州金石記

猶是當年唐宗筆法善人居先天日葉法善以先天二年拜鴻臚卿入止於景龍

方技居然拜列卿得位應資冥助術鳴呼西京鐘簾多星散瓦全猶賴常局榘鐘在臬署俗傳揭此鐘則於廉倉訪不宜故恒開置揭本罕購

猶從悲石鼓殘我比昌黎生未晚霜夜挑燈句細廣星稀

月落晨鐘鳴從今又踏春明路怕聽閣黎飯後聲

冬夜

月臨樹影真於畫雪積階除淨若箋逼似倪迂纔脫稿整

新玉版墨華鮮

寒夜齋居

無人除積雪疊作小重山素月時一照峯峯明玉顏疎鐘浮遠寺寒犬隔花開情境雙孤絕身忘在宇寰

石蓮閣詩卷二

九

獨居誰是伴孤枕共寒燈炭爐灰如雪茶殘碗作冰問心談往事呼影不成磨欲取離騷讀疎慵病未能

布衾寒似鐵疏酒煖於春心淡能容爛身孤不畏貧竹懷虛抱負梅寫冷精神寥寂同枯衲閑參未了因

心地能知足蒲團大有餘涸菌情一例椒壤相原虛苟信波濤涉何嫌毀譽俱本來眞面目看取未生初

將赴都門留別庾生姪

父兄庇蔭卅年中此日分離賴轉蓬萍海有人問蹤跡我

三百八十八

三百八十八

言游學爾從戎

靜海北遇還家者車上不能作書口占二十八字寄

意

北來幸遇爾還鄉馬上難將墨數行憑向家人傳語道一

天風雪過雙塘

晉陽寺聞箏

一聲聲似響么絃日麗風高二月天我是紙鷂行看子既

傷飄泊又牽連

哭查紀庵表叔

握手纔如昨傷心忽到今病貧原憲况婚嫁向平心桂圃

石蓮閣詩卷二

十

秋風冷桑乾春水深趙州金石稿幸未飽紅蟬君佐陳息凡刺史纂

趙州金石記

苦讀終何補奇窮竟莫歸徒殷三載望反受一官羈君以軍功

羅江蘇知縣丁卯秋聞竟銅鼓書堂圯橋亭卜硯非可憐以起復無資未得入場

淮浦上孤雁尙分飛謂恬齋表叔

憶我先君子偕公若弟昆三秦同畫省兩浙共輶軒王粲

陳游跡舉魚舊淚痕何時臨宿草痛哭一招魂

王孝女四十壽詩

孝女為高郵王文簡公孫女甲辰進士湖北武昌道王公壽同之女

不嫁奉母

庸人但守經賢哲能達權不為恒情拘所以全其天邦溝

三百二十一

之水清如許尙書門第今鄒魯家世傳經重後賢父作忠

魂子孝女孝女何挺生誕降已丑歲至性有過人不矜凡

智慧方其為書刺血時淋漓兩紙明堅志願親視女如廢

男此言得勿傷心最一朝江漢成兀貌景春父子垂遺烈

明李房景春亦江都人知鄂北房縣羅汝才入房父子並死焉朝廷加諡褒忠節六千里

外轉歸來割肉附棺血猶熱吁嗟乎睢陽齒常山舌黃泉

千古不能滅忠臣之骨孝女肉忠孝都是誠心結小年顛

疾天花弄小年為親病顛天有花飄墜之異臂肉重割合劑共進食能教

母病瘳裏創那計兒身痛至今四十年孩提如一日卽此

設悅晨萊衣猶繞膝我思此事則異心則純終身之慕今

石蓮閣詩卷二

十一

有人此固聖賢所願見而不敢以苛常人又聞古今不朽

德為本大德必壽理惟允添籌益竿總諛詞俛視人間修

短如蛄菌德門人瑞今可枚後先同揆庸何猜天報善人

如是哉請看此日開宴處蕭颯秋霜壽母眉孝女伯母會以孝聞族里

今已八秩亦於是日稱觴

贈星謀

十年抑塞此浮沈用斛量愁海樣深我輩逢場原是戲幾

人持論冒平心頭願未必終如舊遇合安能總似今流水

光陰惡愛惜髮絲容易上華簪

秋涼初透夜雨淒然客感百端紛來心上倚枕無眠

四百二十九

拉雜得二百餘字名之曰問秋詞

草根絮絮哀蛩語金甌一夜吹庭宇薄寒如水襲羅衾秋
在蓼花枝上雨此時節物傷心易此時蕩子多秋思黯黯
寒燈旅客魂綿綿遠道相思淚憶自槐黃事奔走十年強
半羈棲久歷下河山燕市塵後爲王戎前辛酉春官三上
貂裘敝可憐豔說貴郎貴像貌全忘不虎頭功名妄自矜
羊胃去年滯跡住京華喧喧夜聽坊南車今年移居近太
液借巢客燕嗟無家秋兮秋兮爾胡不擇地蕭騷偏觸游
人意長安不乏王侯第多少羅幃繡幕中有人遲汝驅炎
熾不然芙蓉池館梧桐院珠履趨陪侍歡宴煩疴一夕全

石蓮閣詩卷二

三

消散又况城南一帶多高樓豪客爭爲汗漫游調冰雪藕
猶苦熱何不吹涼早上珠簾鉤豈其秋士乃屬秋知已相
尋故引秋心起銷魂從古說江郎工愁無乃歸平子推枕
問秋秋無聲一鐙如豆窗閒明西風吹我下階去蕭條夢
作鄉關行

旅店夢醒枕上作

冷逼孤燈燄不明茅檐霜重夜三更驚殘好夢無蹤跡棧
馬窗前鼯草聲

棄婦詞

精衛有時倦海水無乾期妾非有時悔郎心無轉移非郎

三百七十一

心不移妾罪難爲詞妾本賤家女謬荷加禮儀葛蘿附喬
木比翼連理枝日有中與月有盈與虧人有聚與散自
使成乖睽常分負罪終敢作秋扇悲

憶昔與君值頗謂可君意生小長千里日日門前戲結髮
爲夫婦膠漆有不啻非特蕉悴顏所恃君不棄三月春風
歇七月秋風至花落不再榮葉落無重植迢迢牽牛星七
襄錦空織努力愛前修勿復長相憶

舊人今日哭新人明日笑舊人初來時亦似新人貌積懽
乃生厭恃愛斯見惜我有青銅鏡留爲新人照匪足迎後
人負恩莫我做區區一寸心請爲新人告善保初與終免

石蓮閣詩卷二

三

郎前轍蹈胎君薄倖名撫躬以自悼

舊鈔漁洋七古平仄論一冊銖谷甥持去付鈔蓋欲

肆力於古也歌以紀之並寄梅岑羅山庾生都中

國朝吾東詩家峙鼎足新城牛耳輝尊疊不著跡相謝雕
琢羚羊香象羣驚猜飴山誼尊丈人行談龍一錄眞談諧
後來指摘亦頗有蚍蜉大樹終難摧我讀公詩歎觀止邯
鄲學步嗟無媒幸從師門見公論振聾起聵心爲開恨無
力追風雅志能換仙骨抽凡胎張甥如金惜筆墨硯雖未
發眞清才譬東雲鱗西雲爪偶然一露何神哉忽見此編
竟慢去寶之不異千瓊瑰念我四人舊同學鐙窗露硯相

四百一十九

追陪老梅痴嗜在白陸造詣漸與坡仙儕吾家阿咸好奇
盤樓頭欲把青蓮杯嗟我鶻駘誠下走苦無入室升堂階
頽唐心志近益甚更無清興尋敲推今得提倡如見獵心
喜不及刪涖哇受降三城我願築甘輪壁壘眞崔嵬會借
郵筒寄二子汴流淼淼燕雲垂

落花

最難堪是欲辭枝仁脫還黏正此時畫檻久移憐地遠金
鈴要護恨旖旎休將劫數歸風雨終是栽培欠主持不見
青青松與柏柯條不改歲寒姿

綠章一夜下三天難乞春陰倍惘然茵溷而今分上下枝

石蓮閣詩卷十一

古

柯當日最連翩送歸何處憑春水惆悵空枝賸曉煙賸得
文姬終有恨漠漠逝水咽潺湲

勸內子學書

風雨孤燈守敝廬簪花標格仁臨書盈箱金石存家學插
架縹緗富舊儲淡泊聊安儒素業辛勤且補女紅餘塗雅
兒輩無批抹好代游人課墨豬
閨閣從來擅勝流衛夫人筆畫銀鈎休將十指空爭巧學
製雙鱗好付郵客子無亭留問字故家有硯可成秋兔園
冊子誰收拾諒我清貧試一籌

急雨

一氣放奔騰風催雨勢增電轟雲有罅簷漏溜生稜苐翠
波三尺苔青砌幾層清涼如可借從此謝炎蒸

七夕大雨時燕齊河皆決邑幾爲澤國有憂焉詩以
代額

歲次鶉火天炎熇流金燄石萬物焦鯁涸轍鳥焚巢人
如吳牛喘且哮火燭金伏三更交頗羅墮氏攝其曹畢星姓頗
氏羅墮元冥屏翳紛相招雷車霆鼓雲旗旆踟躕闔闔天
瓢墨螭翠蚪逞輕趨銀潢一決誰舉焚冰夷乘隙恣騰驍
鞭驅五龍駕六鼈命蜩像前揮其旄魚魚逐隊鬣揚枹海
若助虐天吳驕挹彼尾閭注斗杓地柱汨沒天樣漂誰以

石蓮閣詩卷二

五

漏卮安青霄排山倒海川岳搖駢訇鎗轆何敖嘈匹練倒
挂銀繩綯弩箭筈脫珠盤跳大瀛裊海連波濤夕雨夕汐
朝雨潮連房奧室游文鯨鱗鮪入門升堂均甗觶唯聽謁
喧囂隗將上訴揚厥鑪飛挾霤瓦掀屋茅崩厓齧岸平塹
濠驪淵蛟室羅垌郊黍稷種穗服膺膏天關一扣靈瑣遙
帝命鬱儀炎其歆霞車虹靺相戰鏹噉嚙纔暮陽谷朝羣
陰退避如藏逃驅河伯去歸其槽泥塗一過斤鹵苗甌窶
汚邪告斗斛萬事消息離坎爻乃知太極陰陽包天津之
間兩旗交天孫此夕乘雲輶我願爲鵲填其橋冀牽牛星
降豐饒